



Kambio na kaha di Ontvanger entrante 1 di òktober 2021

Entrante promé di òktober 2021 lo no akseptá sèn kèsh, ni chèk mas na lokèt di Ontvanger. Solamente lo por 'swipe' pa hasi pago.

Ontvanger tin 2 lokalidat kaminda por paga:

- 1 WTC NA PISCADERA:**
- por paga tur impuesto ku eksepsjon di kompra di seyo;
 - bali di informashon;
 - drenta areglo di pago;
 - atministrashon di number di outo: tuma plachi di number;
 - overschrijving;
 - entregá plachi.

- 2 EDEN MALL RIBA CARACASBAAIWEG :**
- por paga tur impuesto ku eksepsjon di kompra di seyo;
 - bali di informashon;
 - drenta areglo di pago te ku fl 5.000,00.

Na tur lokalidat di ACU i di Cpost tambe ta 'swipe' i paga kèsh:

C-post:

- tur pago di number di outo (mester buska e plachi di number na WTC);
- kompra di seyo.

ACU

- tur pago di number di outo (mester buska e plachi di number na WTC).

BANKO

Por paga tambe via banko of pago online ku uso di e referensia di pago úniko korekto/ betaalkenmerk. Mester paga kada impuesto online pa kada periodo separá. Asin'aki e kliente di Servisio di impuesto tin siguransa ku kada un pago ta registrá korekto i ku Ontvanger por prosesa e pago outomátikamente den e sistema. Pago di diferente impuesto huntu manera impuesto riba ganashi, impuesto riba benta i impuesto riba entrada, tur huntu den un transakshon bankario, ta sòru pa tardansa i eror na momentu di prosesa diferente montante, ya ku no por mira tur ora kua suma ta pertenesé na kua impuesto. Importante pa remarká den esaki ta ku transakshon hasi via online banking ku Ontvanger lo no tin gastu adishonal na siguiente banko: Maduro & Curiel's Bank, Banco di Caribe, Orco Bank, RBC Royal Bank, Vidanova Bank i First Caribbean International Bank (CIBC).

PAGOMÁTIKO

Pa por paga tambe via Pagomátiko mester bini ku e aanslag - esta e papel di belasting - riba kua por mira ta kua tipo di impuesto ta trata di dje, e montante i tambe e karakteristiká di pago, esta e 'betaalkenmerk', kual ta konsisti di 17 sifra ku semper mester indiká komo deskripsjon pa e pago. Despues di yena e karakteristiká di pago, ta bon pa chèk sigur si e ta korekto. Despues ta konfirmá e transakshon i di e forma ei finalisá e proseso. Pagomátiko tambe ta un servisio grátis i ku e kliente por hasi na e ora ku ta kumbini e mes. Por paga siguiente tipo di impuesto i prima tantu di negoshi komo privá: AOV/AWW, AVBZ, Basis Verzekering Ziektekosten (BVZ), Nominale Premie di BVZ, Inkomstenbelasting, Logeergastenbelasting, Loonbelasting, Omzetbelasting (OB), Onroerende Zaken Belasting (OZB), Successiebelasting, Winstbelasting i Grondbelasting. Tambe por paga riba un areglo di pago, pero mester paga riba un number di aanslag den e areglo i no riba e number di areglo.

Pa pregunta por tuma kontakto riba number 734-2224 òf via siguiente e-mailadres: sanering@gobiernu.cw